

四庫全書

史部

欽定四庫全書

欽定續文獻通考卷一百九十

經籍考

集
別集二

宋

陳耆卿實牕集十卷

耆卿字壽老臨海人嘉定進士官至國子司業

汪草方壺存稿八卷

華字叔耕休寧人嘉定間以布衣上封事不用自號
方壺居士

方大琮鐵菴集三十七卷 壺山四六一卷

大琮字德潤號壺山莆田人開禧省試第三人除右
正言累官集英殿修撰知廣州調知隆興謚忠惠

臣等謹案壺山四六原本不著撰人名氏考南宋

號壺山者有四一為宋自遜一為徐師仁一為黃
士毅一為方大琮四人之中惟大琮曾任閩漕見

周密齊東野語是編首篇即除福建漕謝啟與大琮仕履相符當為大琮所作

吳潛履齋遺集四卷

潛字毅夫寧國人嘉定十年進士第一累官參知政事右丞相兼樞密使進左丞相封許國公

游九言默齋遺稿二卷

九言字誠之建陽人官荊鄂宣武軍叅謀端平中贈直龍圖閣謚文靖

王邁臞軒集十六卷 臞軒四六一卷

邁字貫之仙遊人嘉定進士累官知邵武軍贈司農少卿

徐鹿卿清正存稿六卷附錄一卷

鹿卿字德夫號泉谷豐城人嘉定進士累官禮部侍

郎謚清正

包恢敝帚稿畧八卷

恢字宏父建昌人嘉定進士歷官刑部尚書簽書樞

密院事封南城縣侯以資政殿學士致仕贈少保謚
文肅

詹初寒松閣集三卷

初字以元休寧人始為縣尉以薦入太學為學錄

臣等謹案是集始名流塘集宋藝文志及諸家書

目俱不載其子陽跋稱舊有二十一卷燬於火後
於族人處乞得殘本藏之明嘉靖戊午間其十六
世孫景鳳等始行刊版改名曰寒松閣集

劉克莊後村集六十卷

克莊字潛夫莆田人以蔭入仕官至龍圖閣直學士

謚文定

臣等謹案後村集坊本所刻詩十六卷詩話詩餘

各一卷毛晉津逮秘書又刻其題跋二卷而他作

並闕今本前有淳祐九年林希逸序較坊刻多文

集三十卷詩話亦較多後集二卷續集四卷新集

六卷又按黃虞稷千頃堂書目載劉克莊後村居

士詩文集五十卷又文集六十卷大全集一百九十六卷又詩集十五卷祇以大全集論所存僅三之一其遺佚多矣

許棐梅屋集五卷 獻醜集一卷

棐見子類

孫夢觀雪窻集二卷附錄一卷

夢觀字守叔號雪窻慈谿人寶慶進士官吏部侍郎以集英殿修撰知建寧府

徐經孫矩山存稿五卷

經孫字仲立豐城人寶慶進士歷官翰林學士知制誥謚文惠

李昴英文溪存稿二十卷

昴英字俊明番禺人寶慶進士累官龍圖閣待制吏部侍郎謚忠簡

幸元龍松垣集十一卷

元龍字震父高安人理宗時官朝奉郎郢州通判

趙汝騰庸齋集六卷

汝騰字茂實號庸齋太宗七世孫居福州寶慶進士
歷官端明殿學士兼翰林學士承旨

趙孟堅彝齋文編四卷

孟堅字子固號彝齋太祖十一世孫居嘉興寶慶進
士官提轄左帑

方岳秋崖集四十卷

岳字巨山號秋崖歙縣人紹定進士歷官知南康軍

又知袁州

臣等謹案岳集世有二本一為秋崖新稿凡三十卷乃從宋寶祐間刻本影鈔一為秋崖小稿凡文四十五卷詩三十八卷乃明嘉靖中其裔孫謙所刻又有別行本題曰秋崖小簡較之本集多書札六首今本刪其重複併成一集

張侃拙軒集六卷

侃字直夫其先大梁人後居吳興知樞密院巖之子

監奔牛鎮酒稅遷上虞丞

唐士恥靈巖集十卷

士恥金華人堯封孫歷任江右丞倅問刑等官

臣等謹案士恥爵里始末諸書不載今從其集中

詩文考得其大畧如此靈巖山在金華山有靈巖
寺為梁劉孝標故宅見金華志集以靈巖為名則
士恥當為金華人也

徐元杰棋枰集十二卷

元杰字仁伯上饒人紹定進士累官國子祭酒遷工部侍郎諡忠愍

高斯得恥堂存稿八卷

斯得字不妄蒲江人紹定進士累官端明殿學士簽書樞密院事兼叅知政事

林希逸虞齋續集三十卷

希逸見經類

臣等謹案宋藝文志載希逸虞齋前集六十卷久

佚不傳惟存續集竹溪十一稿即此三十卷

王應麟四明文獻集五卷

應麟見經類

臣等謹案應麟所著深寧集一百卷宋史藝文志

及焦竑經籍志俱不載蓋散佚已久今本乃明鄞縣鄭真採輯陳朝輔增益之摭拾殘牘非其全本

歐陽守道巽齋文集二十七卷

守道字公權初名巽字迂父吉州人淳祐進士累官

崇政殿說書遷都官郎中終著作郎

陽枋字溪集十一卷附錄一卷

枋初名昌朝字宗驥號字溪巴川人淳祐進士仕紹

慶學官

劉黻蒙川遺稿四卷

黻字聲伯號質翁樂清人淳祐中由學官擢御史累
官吏部尚書國亡從二王入廣卒諡忠肅

臣等謹案黻所著有諫坡奏牘薇垣制稿經帷納

獻諸書航海時挾以自隨遂散落不存此為其弟
應奎哀集詩文殘稿

方逢辰蛟峯文集八卷外集四卷

逢辰字君錫淳安人淳祐十年進士第一官至吏部
侍郎德祐初徵為禮部尚書未赴宋亡終於家

臣等謹案逢辰宋史無傳惟元黃潛集中有所作
逢辰墓表畧見其始末是集乃其五世從孫淵所
輯正集八卷前七卷逢辰詩文末一卷附其弟逢

振作逢振字君玉景定進士官太府寺簿宋亡不仕外集四卷其七世孫中續輯凡逢辰歷官誥勅及酬贈詩文皆在焉

李曾伯可齋雜稿三十四卷續稿八卷續後稿十二卷曾伯字長儒覃懷人丞相邦彥之孫南渡後流寓嘉興由著作郎累官觀文殿學士

臣等謹案曾伯雜稿編於淳祐壬子續稿編於寶祐甲寅續後稿不著年月皆有曾伯自序其子杓

嘗彙三稿刻之荊州咸淳間書肆又有小板刊行
其序即杓所作至元嘉禾志稱為可齋類稿殊非
宋刻之舊

馬廷鸞碧梧玩芳集二十四卷

廷鸞字翔仲樂平人淳祐進士官右丞相兼樞密使

臣等謹案廷鸞集為其子端臨所編宋史不載卷

數已不可考今據四庫全書著錄凡二十三卷又
廷鸞嘗仿大事記作讀史旬編以十年為一句起

帝堯元載甲辰迄周顯德七年庚申為三十八帙
今全書雖佚而緒論尚散見於永樂大典中併裒
為一卷附後

衛宗武秋聲集六卷

宗武字淇父華亭人淳祐間歷官尚書郎出知常州
入元不仕

姚勉雪坡文集五十卷

勉字述之高安人寶祐元年廷試第一除校書郎兼

太子舍人

臣等謹案勉宋史無傳其集藝文志不載是本為其從子龍起所編訛缺特甚今以永樂大典所載各為校補其不載者則仍其舊云

文天祥文山集二十一卷

天祥字履善又字宋瑞廬陵人寶祐進士第一官至少保右丞相兼樞密使封信國公督兵潮州被執死
柴市

臣等謹案天祥生平有文山隨筆數十大冊常以自隨遭難後盡失之元元貞大德間其鄉人搜訪遺集編為前集三十二卷後集七卷刊之世稱道體堂刻本明初其本散佚尹鳳岐重加編次為詩文十七卷江西副使陳价廬陵處士張祥先後為之刊行附指南錄一卷後錄二卷則天祥於德祐丙子奉使入元營間道浮海誓師閩粵羈留燕邸患難中手自編定者又紀年錄一卷亦天祥在獄

時所述後人復集衆說以益之

王柏魯齋集二十卷

柏見經類

謝枋得疊山集五卷

枋得見經類

臣等謹案枋得所著詩文原本六十四卷歲久散

佚明嘉靖中林光祖以黃溥所輯疊山集刊行僅

分上下二卷今本為譚瑄重訂釐為五卷

陳著本堂集九十四卷

著字子微號本堂鄞縣人寶祐進士官臨安通判

舒岳祥閬風集十二卷

岳祥字舜侯寧海人寶祐進士官奉化尉終承直郎

劉辰翁須溪集十卷 須溪記鈔八卷

辰翁見史類

危昭德巽齋四六一卷

昭德字子恭寶祐進士官至權工部侍郎

何夢桂潛齋文集十一卷附鐵牛翁遺稿一卷

夢桂字巖叟號潛齋淳安人咸淳進士累官大理寺

卿

臣等謹案是集明成化中夢桂八世孫淳訪舊本

刊行後其遠孫之論等又重刻之末附鐵牛翁稿

鐵牛翁名景福字介之夢桂族孫

何希之雞肋集一卷

希之樂安人咸淳進士官零陵教授宋亡遁跡以終

胡次焱梅巖文集十卷

次焱字濟鼎號梅巖婺源人咸淳進士官貴池尉宋亡教授鄉里以終

黃仲元四如集五卷

仲元見經類

臣等謹案宋濂有仲元集序稱其門人詹清子類次六經四書講義為六卷其子梓又分記序墓銘字訓為五卷其曾孫至又裒其遺文為十卷請濂

序之是仲元原集實合講義禰文共二十一卷今
講義單行而詩文卷數不合蓋散佚之餘重為掇
輯者也

林景熙霽山集五卷

景熙一作景曦字德陽平陽人咸淳中官禮部架閣
宋亡不仕

熊禾勿軒集八卷

禾初名鉢字去非號勿軒建陽人咸淳進士授寧武

州司戶叅軍宋亡不仕

陳仁子牧萊脞語十二卷二稿八卷

仁子字同甫號古迂茶陵人咸淳中漕試第一宋亡

不仕

謝翺晞髮集十卷晞髮遺集二卷遺集補一卷 天地

間集一卷 西臺慟哭記註一卷 冬青引註一卷

翺字皋羽一字皋父長溪人試進士不第文天祥署

為咨議叅軍天祥兵敗避地浙東終老於杭

臣等謹案方鳳作翔行狀稱翔遺稿凡詩六卷襍

文五卷唐補傳一卷南史贊一卷楚詞芳草圖譜

一卷宋饒歌鼓吹曲騎吹曲各一卷睦州山水人

物古跡記一卷浦陽先民傳一卷東坡夜雨句圖

一卷世遠久佚今本為平湖陸大業所刻云從舊

刻錄出末附天地間集一卷皆翔所錄故臣遺老

之詩考宋濂作翔傳稱天地間集五卷此非完帙

鄭震菊山清雋集一卷附鄭思肖題畫詩一卷錦錢集

一卷襍文一卷

震字叔起連江人淳祐間為和靖書院山長思肖震
子字所南以太學生應博學宏詞科宋亡隱居以終
心史七卷

舊本題鄭思肖撰

臣等謹案此書明季始出凡咸淳集一卷大義集
一卷中興集二卷皆各體詩久久書一卷襍文一
卷畧敘一卷皆記宋亡時雜事後附自序自跋世

稱其書出自井中乃明末好異之徒偽作以欺世者

家鉉翁則堂集六卷

鉉翁見經類

趙必璩覆瓿集六卷

必璩字玉淵號秋曉太宗十世孫居東莞咸淳進士

任南康丞文天祥辟攝惠州軍事判官入元不仕

牟巖牟氏陵陽集二十四卷

獻字獻之湖州人子才子舉進士官至大理寺少卿
入元不仕

臣等謹案是集凡詩六卷雜文十八卷前有至順
二年程端學序牟氏本蜀井研人世居陵山之陽
故以陵陽名而冠以牟氏別於韓駒詩名耳

俞德鄰佩韋齋文集十六卷

德鄰見子類

鄧牧伯牙琴一卷

牧見史類

臣等謹案是集為牧自編前後皆自作序跋謂知音難遇故以伯牙琴為名又牧所著洞霄圖志大滌洞天記皆作於元成宗大德間故史類著錄列於元人之內謹識於此

趙偕寶峰集二卷

偕字子永慈谿人自以宋宗室入元不仕隱居大寶

山東麓

方鳳存雅堂遺稿五卷

鳳見子類

王炎午吾汶稿十卷

炎午初名應梅字鼎翁安成人宋太學生文天祥辟

置幕府

金履祥仁山集四卷

履祥見經類

黃公紹在軒集一卷

公紹字直翁昭武人咸淳進士入元不仕

葛長庚瓊瑄集十二卷

長庚見子類

楊至質勿齋集二卷

至質字休文號勿齋閬阜山道士

釋契嵩鐔津集二十二卷

契嵩姓李氏字仲靈鐔津人居杭州靈隱寺皇祐間入京師兩作萬言書上之賜號明教大師尋還山而

卒

臣等謹案是編為明弘治間嘉興僧如登刊凡文
十九卷詩二卷附他人所作序贊詩題疏一卷首
有陳舜俞所撰行業記稱契嵩所著凡百餘卷蓋
兼語錄言之而詩文止此數也

釋居簡北磻集十卷

居簡字敬叟潼川王氏子嘉熙中勅住淨慈光孝寺

釋道粲柳塘外集四卷

道璩字無文姓陶氏南昌人咸淳間嘗主饒州薦福寺

臣等謹案是集宋以來書目皆不著錄今本乃釋大雷訪得舊本釋元宏為之校正刊行

金

王寂拙軒集六卷

寂字元老玉田人天德進士歷官中都路轉運使諡

文肅

趙東文滏水集二十卷

東文字周臣自號閒閒道人滏陽人大定進士歷官
禮部尚書

臣等謹案元好問中州集稱東文著易叢說十卷

中庸說一卷揚子發微一卷太玄贊六卷文中子
類說一卷南華畧釋一卷列子補註一卷刪集論
語孟子說各十卷資暇錄十五卷今皆未見史稱
所著詩文三十卷此本乃二十卷與史異然劉祁

歸潛志云東文為佛老二家所作另為一編號閒
閒外集凡十卷則史傳合而計之故云三十卷也

王若虛滹南遺老集四十五卷

若虛字從之號攄夫藁城人承安經義進士累官至
翰林直學士金亡不任事蹟具金史文藝傳

臣等謹案史稱若虛有攄夫集滹南遺老集今攄
夫集已佚惟此集尚存

李俊民莊靖集十卷

俊民字用章澤州人承安經義進士第一應奉翰林
文字後隱於嵩山自稱鶴鳴道人元世祖召見乞還
山卒賜諡莊靖先生

元好問遺山集四十卷附錄一卷

好問見子類

元

耶律楚材湛然居士集十四卷

楚材字晉卿遼東丹王八世孫從太祖平定四方太

宗時官至中書令追封廣寧王諡文正

郝經陵川集三十九卷附錄一卷

經見史類

張養浩歸田類稿二十四卷

養浩見史類

臣等謹案養浩嘗自序其集為四十卷名曰歸田類稿焦竑經籍志作文忠集十八卷吳師道序稱雲莊集四十卷皆已佚散今本乃掇拾而成者

王義山稼村類稿三十卷

義山字元高豐城人宋景定進士知新喻縣歷永州戶曹入元官提舉江西學事

方回桐江續集三十七卷

回見子類

臣等謹案回所著有虛谷集今未見是編皆元時罷官後作黃虞稷千頃堂書目作五十卷今本僅存十之七矣

戴表元剡源集三十卷

表元字帥初一字曾伯奉化人宋咸淳進士乙科入元以薦除信州教授事蹟具元史儒學傳

張伯淳養蒙集十卷

伯淳字師道崇德人宋末舉童子科元至元間以薦除杭州路教授累官翰林侍講學士

陸文圭牆東類稿二十卷

文圭字子方江陰人宋咸淳初中鄉選入元再中鄉

舉以老疾終於家事蹟具元史儒學傳

趙文青山集八卷

文字儀可一字惟恭號青山廬陵人宋咸淳鄉貢入元為東湖書院山長選授南雄儒學

劉詵桂隱文集四卷詩集四卷

詵字桂翁廬陵人延祐復科舉後十年不第江南行御史臺屢以教官館職遺佚薦皆不報年八十三卒王榮祿為之請於朝諡曰文敏事蹟具元史儒學傳

劉壘水雲村稿十五卷

壘見子類

臣等謹案壘文集有二本一曰水雲村氓稿乃洪武間其孫瑛手編一即此本乃其裔孫凝收拾遺佚較為賅備惟原目二十卷今本所存止十五卷自十六卷以下有目無書

鄧文原巴西文集一卷

文原字善之一字匪石綿州人宋末應試中魁選入

元為杭州路儒學正官至集賢直學士兼國子監祭酒致仕諡文肅

臣等謹案文原所著有內制集素履齋稿皆未見

今本僅錄其禠文七十餘首蓋出於後人摘選者
王奕玉斗山人集三卷

奕字敬伯玉山人宋儒生入元補玉山教諭

胡祇適紫山大全集二十六卷

祇適字紹聞磁州人中統初以薦授員外郎累官浙

西道提刑按察使追贈禮部尚書諡文靖

任士林松鄉文集十卷

士林字叔實號松鄉奉化人以薦授安定書院山長
趙孟頫松雪齋集十卷外集一卷

孟頫字子昂宋宗室居湖州宋亡以薦授兵部郎中
累官翰林學士承旨追封魏國公諡文敏

吳澄文正集一百卷

澄見經類

白珽湛淵集一卷

珽見子類

楊宏道小亨集六卷

宏道字叔能淄川人
生於金末嘗仕宋為襄陽府學教諭入元不仕

楊奐還山遺稿二卷附錄一卷

奐字煥然又名知章奉天人
以薦授河南路徵收稅課長官
兼廉訪使

臣

等謹案奩集中自記所著各種共二百餘卷稱還山集六十卷元好問作奩神道碑稱還山集一百二十卷均不相符舊本久佚今本為明嘉靖間所刊以掇拾殘牘名曰遺稿

許衡魯齋遺書八卷

衡見經類

劉因靜修集三十卷

因見經類

魏初青崖集五卷

初字太初號青崖順聖人以徵辟授國史院編修累
官至南臺御史中丞

劉將孫養吾齋集三十二卷

將孫字尚友廬陵人辰翁子授延平教官臨汀書院

山長

許謙白雲集四卷

謙字益之號白雲婺源人事蹟具元史儒學傳

程端禮畏齋集六卷

端禮見子類

安熙默菴集五卷

熙字敬仲藁城人

胡炳文雲峯集十卷

炳文見經類

王惲秋澗集一百卷

惲見史類

程鉅夫雪樓集三十卷

鉅夫名文海以字行建昌人元世祖試以筆札授應奉翰林文字累官翰林學士承旨追封楚國公諡文憲

臣等謹案鉅夫所著玉堂類稿奏議存稿及詩文雜著本各自為部其子大本合輯為四十五卷今本併作三十卷乃至正癸卯其曾孫潛所編

徐明善芳谷集二卷

明善字志友號芳谷德興人歷官江西儒學提舉

陳孚觀光稿一卷交州稿一卷玉堂稿一卷附錄一卷

孚字剛中臨海人歷官台州路總管府治中

王旭蘭軒集十六卷

旭字景初東平人

袁楠清容居士集五十卷

楠見史類

劉岳申中齋集十五卷

岳申字高仲吉水人以薦授泰和州判

張之翰西巖集二十卷

之翰字周卿邯鄲人官翰林侍講學士知松江府事

洪希文續軒渠集十卷附錄一卷

希文字汝質號去華莆田人官訓導

臣等謹案希文之父巖虎詩名軒渠集故希文集

以續名巖虎字德章號吾圃宋末嘗為教諭軒渠

集斷爛不存故撫遺詩附於卷末

陳櫟定宇集十六卷別集一卷

櫟見經類

劉敏中中菴集二十卷

敏中見史類

王結文中集六卷

結字儀伯定興人以薦充宿衛累官至中書左丞諡文忠

劉鶚惟實集四卷外集一卷

鶚字楚奇永豐人以薦授揚州學錄累官江州總管
江西行省叅政守韶州贛寇圍城被執不屈死

蕭鶚勤齋集八卷

鶚字維斗奉元人歷官集賢學士諡貞敏事蹟具元
史儒學傳

馬祖常石田集十五卷

祖常字伯庸世為農古部人居靖州天山入元家於
汴延祐進士累官御史中丞轉樞密副使諡文貞

同恕槩菴集十五卷

恕字寬甫太原人徙奉元舉鄉魁歷官集賢侍讀學士贈翰林直學士封京兆郡侯諡文貞事蹟具元史儒學傳

虞集道園學古錄五十卷 道園遺稿十六卷

集見史類

揭傒斯文安集十四卷

傒斯字曼碩富川人延祐初以薦授國史院編修累

官翰林侍講學士追封豫章郡公諡文安

周聞孫鰲溪文集二卷

聞孫字以立廬陵人舉進士乙科為鰲溪書院山長
改袁州教授

臣等謹案聞孫所著凡二十卷日久散失明正統
間其曾孫翰林侍讀敘菟輯詩文為是編

王沂伊濱集二十四卷

沂字思魯先世雲中人徙於真定延祐進士累官禮

部尚書

吳萊淵穎集十二卷附錄一卷

萊字立夫浦陽人延祐鄉貢以薦署饒州路長鄉書院山長門人金華宋濂等私謚為淵穎先生

黃潛文獻集十卷

潛見子類

臣等謹案宋濂序稱潛日損齋稿二十五卷又有

危素所編本二十三卷皆未見今本止十卷嘉靖

間張儉刪定卷首又題張維樞重選王廷曾補訂
是二人竄易又非儉本之舊

歐陽玄圭齋集十五卷附錄一卷

玄見史類

臣等謹案宋濂序稱原集一百餘卷皆燬於兵惟
存辛卯至丁酉七年之作二十四卷其孫祐持編
錄之今本詩文十五卷附錄一卷題宗孫銘鏞編
集又非祐持之舊

柳貫待制集二十卷附錄一卷

貫字道傳浦江人以薦為江山教諭累官翰林待制

兼國史院編修

臣等謹案宋濂作貫行狀載有西雖稿容臺稿鍾

陵稿靜儉齋稿西游稿蜀山稿至正十年余闕得

稿于貫子由屬濂及戴良編次勒為二十卷闕及

危素蘇天爵各為之序濂為之後記天爵序又稱

有別集二十卷今未之見

蒲道源閒居叢稿二十六卷

道源字得之號順齋興元人皇慶中以遺逸徵官國子博士

許有壬至正集八十一卷圭塘小稿十三卷別集二卷續集一卷附錄一卷

有壬字可用湯陰人延祐進士歷官集賢大學士中書左丞兼太子諭德諡文忠

臣等謹案史稱有壬所著至正集本一百卷有壬

沒即淪佚無傳今本明弘治間出於楊士奇家尚缺十九卷圭塘小稿乃有壬自輯皆於至正集中

選錄者其弟有孚復編別集續集附錄刊行

吳師道禮部集二十卷

師道見史類

程端學積齋集五卷

端學見經類

朱德潤存復齋集十卷

德潤字澤民睢陽人延祐末以薦授翰林應奉文字兼國史院編修官尋授鎮東行省儒學提舉

宋聚燕石集十五卷

聚字顯夫大都人泰定進士歷官翰林直學士兼經筵講官諡文清

陳旅安雅堂集十三卷

旅字象仲莆田人以薦為閩海儒學累官應奉翰林文字遷國子監丞事蹟具元史儒學傳

傅若金詩文集二十卷

若金初字汝礪改字與礪新喻人以異材薦佐使安南除廣州教授

臣等謹案若金所著詩集至正間鋟板名曰清江集明洪武中又刻其文集十一卷附錄一卷此則其合編也

朱晞顏瓢泉吟稿五卷

晞顏字景淵長興人以習國書為平陽州蒙古掾歷

仕長林丞司煮鹽賦又為江西瑞州監稅

臣等謹案元有兩朱晞顏其一吳人字名世一即

著此稿者

唐元筠軒集十三卷

元字長儒歙縣人泰定中以文學授平江路學錄歷
仕徽州教授

臣等謹案朱文選所作元行狀載有敬堂雜著思
樂雜著吳門雜著汾陽雜著金陵雜著老學叢稿

幾七千篇分為五十卷乃其子桂芳輯今本為程敏政編入唐氏三先生集者僅詩八卷文五卷

李存侯菴集三十卷

存字明遠更字仲公安仁人傳陸九淵之學

蘇天爵滋溪文稿三十卷

天爵見史類

臣等謹案天爵所著詩稿七卷文稿三十卷今所存者文稿其詩稿自顧嗣立元詩選外未見傳本

余闕青陽集四卷

闕字廷心一字天心色目人世居武威徙合肥元統進士累官淮南行省左丞分守安慶陳友諒陷城自劉死贈行省平章諡忠宣

李祁雲陽集十卷

祁字一初號希蘧茶陵人元統進士官江浙儒學副提舉入明不仕

李士瞻經濟文集六卷

士瞻字彥聞先世新野人徙居荆門至正進士累官翰林學士承旨封楚國公

胡助純白齋類稿二十卷附錄二卷

助字履信一字古愚東陽人舉茂才為建康路學錄以薦充翰林國史院編修官授承信郎太常博士

盧琦圭峯集二卷

琦字希韓號立齋惠安人至正進士歷官漕司提舉除平陽州事蹟具元史良吏傳

臣等謹案徐勵稱圭峯集歲久弗傳今本為元陳誠中所編明萬厯間邑人朱一龍序而刻之然多竄入他作

李孝光五峯集六卷

孝光字季和樂清人至正間詔徵隱士授秘書監著作郎遷秘書監丞

邵亨貞野處集四卷

亨貞字復孺淳安人至正間為松江訓導占籍華亭

貢師泰玩齋集十卷拾遺一卷

師泰字泰甫宣城人中江浙鄉試以薦充應奉翰林
文字累官戶部尚書命督海運召為秘書卿

臣等謹案師泰所著有友迂齋集玩齋集東軒集
閩南集其門人謝肅劉欽類為一編總名曰玩齋
集今未之見此本為明天順間寧國守沈性重輯
凡十卷又補遺年譜一卷附之

劉仁本羽庭集六卷

仁本字德元天台人以進士乙科歷官温州路總管
江浙行省左右司郎中

鄭元祐僑吳集十二卷

元祐見子類

鄭玉師山文集八卷遺文五卷附錄一卷

玉見經類

吳海聞過齋集八卷

海字朝宗閩縣人元亡不仕

舒頔貞素齋集八卷附錄一卷 北莊遺稿一卷

頔字道源績溪人官貴池教諭調台州路儒學正

李繼本一山文集九卷

繼本名延興以字行東安人占籍北平至正進士授

太常奉禮兼翰林檢討

謝應芳龜巢集十七卷

應芳見史類

甘復山窓餘稿一卷

復字克敬餘千人元亡遁跡以終

吳臯吾吾類稿三卷

臯字舜舉臨川人宋丞相潛諸孫官臨江路儒學教授元亡遁迹以終

戴良九靈山房集三十卷九靈山房遺稿五卷

良字叔能浦江人自號九靈山人至正中官江北行中書省儒學提舉入明徵召至京辭不受職卒於京

魯貞桐山老農文集四卷

貞字起元號桐山老農開化人

楊翹佩玉齋類稿十卷

翹字文舉上元人初為江浙行省掾歷江浙儒學提舉遷太常博士

吳會書山遺集二十卷

會字慶伯金谿人至正中舉鄉薦第一入明不仕

倪瓚清閼閣集十二卷

瓚字元鎮號雲林無錫人隱居不仕

臣等謹案瓚畫居逸品詩文不屑屑苦吟明天順間宜興寔朝陽曾為刊集萬厯中其八世孫瑾等復為彙刊凡十五卷歲久漫漶惟毛晉所刊本行世上海曹培廉重為編定校刊多所增補

王禮麟原文集二十四卷

禮字子尚更字子讓廬陵人元末為廣南元帥府照磨入明不仕

汪克寬環谷集八卷

克寬見經類

沈夢麟花溪集三卷

夢麟字昭原吳興人舉鄉薦授婺源州學正遷武康令明初以賢良徵辭不起應聘入浙閩校文者三會試同考者再終不仕

胡行簡樗隱集六卷

行簡字居敬新喻人至正進士授國子監助教歷翰林院修撰除江南道御史遷江西廉訪司經歷入明

不仕

沈貞茶山老人遺集二卷

貞字元吉自號茶山老人長興人入明不仕

趙訪東山存稿七卷附錄一卷

沔見經類

臣等謹案沔集為其門人汪蔭范準編輯汪仲魯
為之序不詳卷數明嘉靖間鮑志定序稱先世與沔
為莫逆交故諸所撰述留其家最多其父總彙成

集繡梓云云則此本乃志定之父所編非蔭準之舊也

楊維禎東維子集三十卷附錄一卷 麗則遺音四卷
維禎見經類

陳基夷白齋稿三十五卷外集一卷

基字敬初臨海人至正中以薦授經筵檢討明初召
修元史

宋禧庸菴集十四卷

禧初名元禧後改名禧字无逸號庸菴餘姚人中鄉
試補繁昌教諭明洪武初召修元史不受職而還
程從龍梅軒集四卷

從龍字登雲號漢章嘉魚人隱居教授入明不仕
呂不用得月稿四卷

不用字則耕上虞人明洪武初舉教諭以疾辭

王禎農務集三卷

禎見子類

臣等謹案此集凡賦五首詩一百九十四首贊銘
七首皆禎農書所已載蓋後人從農書中抄出說
立此名也

梁寅石門集七卷

寅見經類

趙天麟太平金鏡策八卷

天麟自稱東平布衣始末無考

歐陽起鳴論範二卷

欽定四庫全書

欽定續文獻通考
卷一百九十

起鳴里貫無考

臣等謹案是編皆取經史諸子語為題各繫以論而史事為多

釋圓至牧潛集七卷

圓至字牧潛號天隱高安人

臣等謹案僧明河書後云初得抄本於武林前有方回序後有洪喬祖跋又有姚廣孝序後得刻本多詩數首因校付毛晉刊之此即毛晉刊本也僅


有喬祖跋及明河文無方姚二序殆失之矣

釋大訢蒲室集十五卷

大訢字笑隱南昌陳氏子居杭之鳳山遷中天竺又主
建康集慶寺

臣等謹案是集前有虞集序考文宗入繼大統改
建康潛邸為集慶寺特起大訢居之授大中大夫
頗諳朝廷典故若所著王可毅尚書歷任記證以
文宗本紀皆相符合又杭州路金剛顯教院記金

陵天禧講寺佛光大師德公塔銘並題曰代趙魏
公作則孟頫亦嘗假手於大訢知非俗僧矣



欽定續文獻通考卷一百九十

欽定四庫全書

史部

欽定續文獻通考卷一百九十二

給事中_臣劉芬覆勘

總校官內閣中書_臣孫溶

欽定四庫全書

欽定續文獻通考卷一百九十一

經籍考

集別集三

明

太祖文集二十卷

臣等謹案焦竑經籍志載太祖文集二十卷又三

十卷今所存者與竑所列前一本合其三十卷者

未見傳本

宣宗詩文一卷

臣等謹案藝文志載宣宗文集四十四卷今本僅存記一首賦一首詩歌詞曲三十九首編為一卷

宋濂學士全集三十六卷未刻集

無卷數

濂見經類

臣等謹案濂集三十六卷重刻於嘉靖中其未刻集共文三十八篇乃

國朝順治乙未濂裔孫實頴得文徵明家所藏舊稿
擇其全集未載者編為此集

劉基誠意伯文集二十卷

基見史類

陶安學士集二十卷

安字主靜當塗人元至正中中浙江鄉試入明官江
西行省參知政事

宋訥西隱集十卷

訥字仲敏滑縣人元至正進士入明為國子助教累官大學士遷國子監祭酒追謚文恪

朱升楓林集十卷

升見經類

王禕忠文集二十四卷

禕見史類

張以寧翠屏集四卷

以寧見經類

危素說學齋稿四卷雲林集二卷

素見史類

臣等謹案黃虞稷千頃堂書目載素文集五十卷明代已佚此本乃嘉靖中歸有光從吳氏傳抄其文不分卷帙於紙尾記所作年歲皆在元時有光跋稱共一百三十六篇今缺三篇又王懋竑白田雜著有是集跋稱賦三贊二銘二頌三記五十有一序七十有六共一百三十八首以有光跋為傳

寫之誤然据懋竑所列實止一百三十七首數亦不符也

唐桂芳白雲集七卷

桂芳一名仲字仲實號白雲歙縣人元至正中任南雄路學正入明攝紫陽書院山長

劉崧槎翁文集八卷詩集八卷

崧字子高泰和人洪武中以薦累官至吏部尚書

林弼登州集二十三卷

弼字元凱龍谿人元至正進士入明官登州府知府
王鈍野莊集六卷

鈍字士魯太康人元至正進士入明累官戶部尚書
後以布政使致仕

劉駟愛禮集十卷

駟字宗道龍谿人洪武初以秀才入試第一授都御
史尋坐事徙滇卒門人私謚愛禮先生

劉三吾坦齋文集二卷

三吾字如孫號坦翁茶陵人洪武中官翰林學士

朱善一齋集十六卷

善見經類

朱同覆瓿集七卷附錄一卷

同字大同休寧人翰林學士升之子洪武中以人材
舉為東宮官尋進禮部侍郎

朱右白雲稿五卷

右字伯賢臨海人洪武初召修元史除翰林院編修

遷晉府右長史明史文苑傳附見趙堦傳中

臣等謹案史稱白雲稿本十卷今世所傳僅存五卷雜文之後有琴操而無詩

張適甘白集六卷

適字子宣蘇州人明初以儒士徵授工部郎中旋放歸

黎貞林坡稿七卷附錄一卷

貞字彥晦號林坡新會人洪武中舉邑訓導不就坐

事成遼東尋放歸明史文苑傳附見孫賁傳中

謝肅密庵集八卷

肅字原功上虞人洪武中官福建按察司僉事

貝瓊清江詩集十卷文集三十一卷

瓊字廷琚一名闕字廷臣崇德人元末領鄉薦明初徵修元史除國子監助教

臣等謹案徐象梅兩浙名賢錄載瓊集二十卷萬

厯中刻本止三卷今本凡詩集十卷文集分海昌

集一卷雲間集七卷兩峯集三卷金陵集十卷中
都稿九卷歸田稿一卷桐鄉金壇所刊

蘇伯衡平仲集十六卷

伯衡見子類

胡翰仲子集十卷

翰字仲子金華人洪武初以薦為衢州府教授事蹟
具明史文苑傳

徐一夔始豐稿十四卷

一夔見史類

王彛常宗集四卷補遺一卷續補遺一卷

彛字常宗其先蜀人後遷嘉定本姓陳氏洪武初以布衣召修元史尋遷入翰林明史文苑傳附見趙壘傳中

張孟兼白石山房逸稿二卷

孟兼名丁以字行浦江人洪武初徵為國子監學錄與修元史累遷山東按察司副使明史文苑傳附見

趙堦傳中

孫作滄螺集六卷

作字大雅以字行一字次知江陰人洪武初召修日
歷除翰林院編修尋遷國子監司業明史文苑傳附
見陶宗儀傳中

錢宰臨安集六卷

宰字子予號伯均會稽人元至正中中甲科明初徵
修禮樂書授國子助教

章冀尚綱齋集五卷

冀字中州金華人洪武初徵入書館授湖州府教授

趙撝謙考古文集二卷

撝謙見經類

劉炳彥昌集九卷

炳字彥昌以字行鄱陽人洪武初獻書言事授中書

典籤後除東阿縣知縣明史文苑傳附見王冕傳中

高啟大全集十八卷 鳧藻集五卷

啟字季迪長洲人元末避亂居松江之青邱自號青邱子洪武初召修元史授翰林院國史編修官至戶部侍郎事蹟具明史文苑傳

臣等謹案明史載啟所著有吹臺集江館集鳳臺集婁江吟稿姑蘇雜咏凡二千餘首自選定為圭鳴集十二卷凡九百餘首永樂元年其姪立鏤板行之景泰初徐庸掇拾遺佚合為一編題曰大全集劉昌為之序鳧藻集乃古文正統九年監

察御史鄭士昂命教授張素校刊之啟天才高逸
實出明一代詩人之上而古文則不甚著名然去
宋未遠猶有前輩軌度

王行半軒集十四卷

行字止仲長洲人洪武初有司延為學校師後坐藍
玉黨伏誅事蹟具明史文苑傳

孫黃西菴集九卷

黃字仲衍廣東順德人洪武進士歷任虹縣平原主

薄召入為翰林典籍坐監玉黨伏誅事蹟具明史文苑傳

烏斯道春草齋集十卷附錄一卷

斯道字繼善慈谿人洪武初官石龍縣知縣調永新坐事謫戍定遠尋放還明史文苑傳附見趙壘傳中殷奎強齋集十卷

奎字孝章號強齋崑山人洪武初以薦除咸陽教諭陳謨海桑集十卷

謨字一德泰和人洪武初屢聘為江浙考官事蹟具
明史儒林傳

王冕竹齋集三卷續集一卷附錄一卷

冕字仲章諸暨人明太祖下婺州得之授諮議參軍
事蹟具明史文苑傳

吳伯宗榮進集四卷

伯宗名佑以字行金谿人洪武辛未進士第一官至
大學士後降檢討終

龔敷鵞湖集六卷

敷鉛山人洪武中徵入為四輔官遷國子監司業

臣等謹案明史不為敷立傳惟太祖本紀載洪武十三年置四輔官以儒士王本杜佑龔敷趙民望吳源為春夏官又宋訥傳稱訥為祭酒與訥定學規者司業王嘉會龔敷云

鄭本忠安分齋集十卷

本忠自號安分先生鄞縣人洪武中以薦授昌國訓

導尋陞秦府教授

朱吉三畏齋集四卷

吉字季寧吳縣人洪武初官中書舍人

陳誠竹山文集四卷

誠見史類

鄭真滎陽外史集七十卷

真字千之鄞縣人洪武中鄉試第一授臨淮縣教諭

陞廣信府教授

王紳繼志齋集十二卷附錄一卷

紳字仲縉義烏人待制禕之仲子建文時官國子博士

練子寧中丞集二卷

子寧名安以字行號松月居士新淦人洪武進士建文時官左副都御史殉節死

方孝孺遜志齋集二十四卷

孝孺見子類

臣等謹案原本凡三十卷拾遺十卷乃黃孔昭謝
鐸所編此本併為二十四卷則正德中顧璘守台
州時所重刊也史稱孝孺殉節後文禁甚嚴其門
人王稔藏其遺稿宣德後始稍傳播故其中闕文
脫簡頗多

程通貞白遺稿十卷附顯忠錄二卷

通字彥亨貞白其齋名也績溪人洪武中舉應天鄉
試廷對第一授遼府紀善進左長史建文時上書論

戰守大計永樂中抵詣京師與二子俱論死

王叔英靜學文集一卷

叔英名原采以字行黃巖人洪武中以薦官漢陽知縣建文時召為翰林修撰燕兵至書絕命詞自經死妻金氏及二女并殉

臣等謹案叔英於乾隆四十一年

賜諡忠節

周是修芻蕘集六卷

是修見子類

程本立巽隱集四卷

本立字原道號巽隱桐鄉人洪武中以明經擢秦王
府引禮舍人建文時累官右僉都御史燕王立自經
死

劉璟易齋集二卷

璟字仲璟青田人誠意伯基之次子洪武中授谷王
府長史燕王立召之不至逮下獄自經死

臣等謹案璟於乾隆四十一年

賜謚忠節

龔詡野古集三卷

誦字大章崑山人洪武中父譽以言事遣戍誦遂隸軍籍後調守金川門永樂初變姓名遁歸正統間巡撫周忱屢薦為學官不就

張紱豕宰文集一卷

統見史類

王達天遊集十卷

達見子類

黃福忠宣集八卷

福字如錫號後樂翁昌邑人洪武舉人官至南京戶部尚書兼掌兵部機務

梁本之坦菴文集八卷

本之名混以字行號坦菴泰和人洪武中為溧陽教諭改魯王府紀善

林右公輔集三卷

右字公輔臨海人洪武中官中書舍人進春坊大學士輔導皇太孫以事謫中都教授

解縉文毅集十六卷

縉見子類

姚廣孝述虛子集十一卷 類稿補遺八卷

廣孝長洲人初為僧名道衍字斯道洪武中選侍燕邸燕王謀逆資其策力居多永樂初乃使復姓賜今

名爵至資善大夫太子少師封榮國公

梁潛泊菴集十六卷

潛字用之泰和人洪武時舉人官知縣永樂初累遷右春坊右贊善陞侍讀

王洪毅齋詩文集八卷附錄一卷

洪字希範錢塘人洪武進士授行人以薦入翰林由檢討歷官修撰侍讀明史文苑傳附見林鴻傳中

王賓光菴集二卷

賓字仲光長洲人隱居奉母以孝行稱

胡儼頤菴文選二卷

儼字若思南昌人洪武舉人授華亭教諭永樂初擢翰林檢討遷國子祭酒洪熙元年加太子賓客致仕

臣等謹案明藝文志載頤菴集三十卷今本詩文各一卷乃後人選本

胡廣文穆集二十卷

廣見子類

高得暘節菴集八卷續編一卷

得暘字節菴錢塘人洪武中以薦為校官永樂初擢為宗人府經歷

黃淮介菴集十一卷 省愆集二卷

淮見史類

趙友同存軒集

無卷數

友同字彥如浦江人徙居長洲洪武末官華亭訓導永樂初用薦授御醫預修永樂大典五經大全諸書

黃鉞給諫遺稿一卷

鉞字叔揚常熟人建文進士官刑科給事中永樂初
被召投水死

陳敬宗澹然集五卷

敬宗字光世號澹然居士慈谿人永樂進士累官國
子監祭酒贈禮部侍郎謚文定

羅肅寅菴集三卷外集四卷附錄一卷

肅字汝敬以字行號寅菴廬陵人永樂進士官至陝

西廵撫

羅亨信覺非集十卷

亨信字用實號樂素東莞人永樂進士官至左副都

御史

曾榮西墅集十卷

榮字子榮永豐人永樂甲申進士第一官至少詹事

章敞質菴文集

無卷數

敞字尚文會稽人永樂進士由庶吉士授刑部主事

官至禮部侍郎

魏驥南齋摘稿十卷

驥字仲房號南齋蕭山人永樂時舉人官至南京吏部尚書謚文靖

楊士奇東里全集九十七卷別集四卷

士奇見史類

臣等謹案別本東里文集二十五卷不及是集之半李東陽懷麓堂詩話云楊文貞東里集手自選

擇刻之廣東疑別本即士奇所自定者

楊榮文敏集二十五卷

榮見史類

柯暹東岡集十卷

暹字啟暉建德人永樂中領鄉薦與修永樂大典選
入翰林累遷雲南按察使

劉髦石潭存稿三卷

髦見經類

彭百鍊若金集二卷

百鍊字若金泰和人永樂進士官至監察御史

金幼孜文靖集十卷

幼孜見史類

孫瑀歲寒集二卷

瑀字原貞以字行德興人永樂進士官至兵部尚書

夏原吉忠靖集六卷

原吉字維詰湘陰人以鄉薦遊太學授戶部主事永

樂中官至戶部尚書謚忠靖

王直抑菴集十三卷後集三十七卷

直字行儉泰和人永樂進士正統間官吏部尚書謚
文端

李時勉古廉集十一卷附錄一卷

時勉本名懋以字行安福人永樂進士官至國子監
祭酒謚文敬改謚忠文

陳循芳洲集十卷東行百咏集句九卷附芳洲年譜

一卷

循字德遵泰和人永樂乙未進士第一累官至大學士

蕭儀襪線集十五卷

儀字德容樂安人永樂進士官吏部主事

陳衡半隱集十卷

衡字克平淳安人永樂時舉人官亳州學正

周敘石溪文集七卷附錄一卷

敘字功敘吉水人永樂進士官至南京翰林侍講學士

習經尋樂文集二十卷

經字嘉言號寅清居士晚號尋樂翁新喻人永樂進士官至詹事府詹事

曾鶴齡松蘿集二十八卷

鶴齡字延年一字延之泰和人永樂辛丑進士第一官至侍講學士

唐文鳳梧岡集八卷

文鳳字子儀號夢鶴歙縣人永樂中以薦授興國縣

知縣改趙府紀善

鄭崇道山集六卷

崇字叔美浦陽人永樂中官翰林檢討

熊直西澗文集十六卷

直字敬方吉水人永樂時舉人以子槩貴贈右都御史

鄭楷鳳鳴後集十卷

楷字叔度浦陽人官蜀府左長史

曹端月川集一卷

端見子類

臣等謹案明初理學以端與薛瑄最醇瑄詩文集讀書錄等皆傳於世而端之遺書散佚幾盡其集亦不復存此本為張伯行裒輯殊失編次體例而吉光片羽掇拾于散失之餘亦足幸也

陳益敬帚集二卷

蓋字啟行號行素高安人永樂間以六經教授其鄉
薛瑄文清集二十四卷

瑄見子類

劉球兩溪文集二十四卷

球字求樂更字廷振安福人永樂進士授禮部主事
以薦入侍經筵改侍講後忤王振下獄死贈翰林學
士謚忠愍

于謙忠肅集十三卷

謙字廷益錢塘人永樂進士授御史歷官兵部尚書
英宗復辟為徐有貞石亨等誣陷棄市成弘間追贈
特進光祿大夫上柱國太傅謚忠愍萬曆中改謚忠肅
馬愉澹軒集七卷

愉字性和臨朐人宣德丁未進士第一官至禮部侍郎

臣等謹案愉詩文沒後均皆散佚今本乃成化間
邢居正等裒集遺篇編次無序又別本澹軒集八

卷則其鄉人遲翔鳳補輯刻之故題曰續刻

蕭鑑尚約居士集

無卷數

鑑字孟勤泰和人宣德進士官至大學士

廖莊恭敏佚稿一卷

莊字安止號東山吉水人宣德進士官至刑部左侍

郎謚恭敏

臣等謹案莊所著舊名東山居士集後其稿散佚
同邑李日東及其裔孫仲蔚蒐輯是編僅存什一

別以諭祭文誥敕行狀碑銘附之黃虞稷千頃堂書目載莊漁梁集二卷其名又與此不符云

李賢古穰集三十卷

賢見史類

林文淡軒稿十二卷補遺一卷

文字恒簡莆田人宣德進士官至太常寺少卿兼翰

林院學士謚襄敏

徐有貞武功集五卷

有貞初名理字元玉吳縣人宣德進士官至大學士
封武功伯

吳節竹坡文集五卷詩集二十八卷

節字與儉號竹坡安成人宣德進士官至太常寺卿
兼侍讀學士

鍾復雲川文集六卷附鍾同恭愍遺文一卷

復字彥彰號雲川永豐人宣德進士官至翰林侍講
子同字世京景泰進士官監察御史以抗疏拷斃於

獄

姜洪松岡集十一卷

洪字啟洪號松岡樂安人宣德進士官翰林院修撰
倪謙文僖集三十二卷

謙見史類

臣等謹案李東陽序稱謙所著有玉堂稿一百卷
上谷稿八卷歸田稿四十二卷南宮稿二十卷又
有奉使朝鮮之作為遼海編別行於世皆未之見

今本凡三十二卷蓋謙所自編于平生著作汰存
六之一者也

韓雍襄毅文集十五卷

雍字永熙吳縣人正統進士官至右僉都御史總督
兩廣謚襄毅

陳獻章白沙集九卷

獻章字公甫新會人正統間舉人以薦授翰林檢討
追謚文恭事蹟具明史儒林傳

岳正類博稿十卷附錄二卷

正見子類

周旋畏菴集十卷

旋字中規號畏菴永嘉人正統丙辰進士第一官至

左春坊左庶子

劉定之呆齋集四十五卷

定之見經類

劉儼文介公集三十卷

儼字宣化吉水人正統壬戌進士第一累官太常寺少卿春坊大學士掌院事謚文介

姚夔文敏集八卷

夔字大章桐廬人正統進士官至吏部尚書謚文敏

沈彬蘭軒集四卷

彬字原質武康人正統進士官刑部郎中

陳宜靜軒集十三卷

宜字公宜號靜軒泰和人正統進士官至兵部侍郎

商輅文毅公集十卷

一名素菴集

輅見史類

葉盛菴竹堂稿八卷

盛見史類

鄭文康平橋稿十八卷

文康字時乂號介菴崑山人正統進士絕意仕進平

橋其所居也

彭時文憲集四卷

時見子類

劉珣古直集十六卷

珣字叔溫號古直壽光人正統進士官至大學士謚文和

柯潛竹巖詩集一卷文集一卷補遺一卷

潛字孟時號竹巖莆田人景泰辛未進士第一官至詹事府少詹事

王恕端毅文集九卷

恕見經類

王與文肅集十二卷

與見史類

王越太傅集二卷

越字世昌濬縣人景泰進士官至兵部尚書以功封

威寧伯贈太傅謚襄敏

彭韶惠安集十卷附錄一卷

韶見史類

臣等謹案韶所著詩文初名從吾滯稿散佚後嘉靖中重刻改題此名又別本惠安公文集七卷乃陳時周重編多所刊削其附錄一卷則陳獻章等贈言及府志傳論也

吳宣野菴文集十卷

宣字師尼號野菴崇仁人景泰間舉人授左軍都督府經歷後陞鎮遠府知府

張寧芳洲集二十六卷附讀史錄四卷

寧見子類

臣等謹案是集首有夏時正序稱芳洲集四十卷
又有謝丕續集序稱時正復拾林下之作為四卷
今本止二十六卷合以所附讀史錄共三十卷又
別本奉使錄二卷乃出使朝鮮所作已見芳洲集
中

彭華文思集六卷

華字彥實安福人景泰進士官至吏部侍郎入內閣

謚文思

徐溥謙齋文錄四卷

溥字時用宜興人景泰進士官至大學士謚文靖

邱濬重編瓊臺會稿二十四卷

濬見經類

臣等謹案濬集不一本其門人蔣冕等刻其詩曰吟稿續又哀其記序表奏曰類稿嘉靖中鄭廷鵠合二稿所載益以所得寫本為十二卷名曰會稿

天啟初其裔孫爾穀遴類稿十之二增會稿十之三併吟稿合刻曰重編會稿即此本也

陳煒恥菴集十卷

煒字文曜號恥菴閩縣人天順進士官至浙江布政使

左贊桂坡集十五卷

贊字時翊南城人天順進士官至廣東布政使

徐貫餘力稿十二卷

貫字元一淳安人天順進士官至工部尚書謚康懿
鄭環栗菴遺稿二卷

環字瑤夫號栗菴仁和人天順進士官至太常寺少
卿

張元楨東白集二十四卷

元楨字廷祥南昌人天順進士官至吏部左侍郎兼
翰林院學士掌詹事府天啟初追謚文裕

何喬新椒邱文集四十四卷

喬新見經類

張悅定菴集五卷

悅字時敏松江華亭人天順進士官至南京兵部尚書謚莊簡

祁順巽川集十六卷附錄二卷

順字致和號巽川東莞人天順進士官至江西左布政使

鄭紀東園文集十三卷續編一卷東園詩集續編八卷

紀字廷綱號東園仙遊人天順進士官至南京戶部尚書

李東陽懷麓堂集一百卷

東陽見史類

彭教東瀧遺稿四卷

教字敷五號東瀧吉水人天順甲申進士第一官翰林院侍講

謝鐸

桃溪淨稿八十四卷

鐸見經類

張泰滄洲集十卷續集二卷

泰字亨父太倉人天順進士官至翰林院修撰事蹟

具明史文苑傳

倪岳清谿漫稿二十四卷

岳字舜咨錢塘人徙居上元南京禮部尚書謙之子

天順進士官至吏部尚書謚文毅

吳與弼康齋文集十二卷

與弼字子傳臨川人天順中以薦授左春坊左諭德
辭不就事蹟具明史儒林傳

謝復西山類稿五卷

復字一陽祁門人吳與弼門弟子

陳真晟剡夫集四卷

真晟字晦德改字剡夫本泉州人以父戌籍遂居漳
州事蹟具明史儒林傳

祝淇履坦幽懷集二卷

洪字汝淵號夢窓海寧人以子萃貴封刑部主事

朱存理樓居雜著一卷野航詩稿一卷野航文稿一卷

附錄一卷

存理見子類

桑悅思元集十六卷

悅見子類

文洪涑水集二卷

洪字功大號希素長洲人成化間舉人官涑水縣教諭

羅倫一峯集十卷

倫字彞正號一峯永豐人成化丙戌進士第一官翰林院修撰

陸簡龍臯文稿十九卷

簡字廉伯號治齋又號龍臯武進人成化進士官至詹事府少詹事

張弼東海文集五卷

弼字汝弼華亭人成化進士官南安府知府事蹟具

明史文苑傳

程敏政篁墩集九十三卷

敏政見史類

臣等謹案是集為敏政所自訂據黃虞稷千頃堂書目尚有外集十二卷別集二卷行素稿一卷拾遺一卷雜著一卷今皆不在此編

陸淵之東臯文集十三卷附錄一卷

淵之字克深上虞人成化進士官至湖南布政使

張昇文僖公文集十四卷詩集二十二卷

昇字啟昭南城人成化己丑進士第一官至禮部尚書

臣等謹案邵寶序云此書本名柏厓集刻成而賜謚之命適至遂以名之然本傳不言有謚或偶漏歟

屠勲太和堂集六卷

勲字元勲平湖人成化進士官至刑部尚書謚康僖

吳文度文石類稿三卷

文度字憲之應天人成化進士官至南京戶部尚書
章懋楓山集四卷附錄一卷

懋見子類

文林溫州集十二卷

林見子類

孫需清簡公集二卷

需字孚吉號永檠翁德興人成化進士官至南京吏

部尚書謚清簡

張旭梅巖小稿三十卷

旭字廷曙休寧人成化間舉人歷官孝豐伊陽高明知縣

馬中錫東田集十五卷 東田漫稿六卷

中錫字天祿號東田故城人成化進士官至左都御史

蘇章滇南行稿四卷附錄一卷

章字文簡號雲崖餘干人成化進士官延平府知府
劉鴻七星詩文存十二卷

鴻字雲表泰和人居七星坊因以自號成化間舉人
放遊不仕

黃仲昭未軒文集十二卷

仲昭見史類

楊守陟碧川文選四卷

守陟字維立號碧川鄞縣人成化進士官至南京吏

部左侍郎加尚書銜

趙寬半江集十五卷

寬字栗夫號半江吳江人成化進士官至廣東按察使

賀欽醫閭集九卷

欽字克恭其先浙之定海人以戌籍隸遼東義州衛成化進士授戶科給事中事蹟具明史儒林傳

周瑛翠渠摘稿七卷補遺一卷

瑛見經類

儲嶠柴墟齋集十五卷

嶠字靜夫號柴墟泰州人成化進士官至南京吏部侍郎謚文懿事蹟具明史文苑傳

祝萃虛齋先生遺集十卷

萃字維真海寧人成化進士官至廣東布政司參政
蔡清虛齋集五卷 文莊集八卷

清見經類

臣等謹案清虛齋集五卷見明藝文志蓋正德間
葛志貞所輯林俊為之序其後清族孫廷魁重刊
益以補遺附錄釐為八卷名文莊集然冗濫不若
原本之精擇矣

黃瓚雪洲文集十四卷

瓚字公獻儀真人成化進士官至南京兵部侍郎

吳寬家藏集七十七卷

寬見史類

謝遷歸田稿八十卷

遷字于喬餘姚人成化乙未進士第一官至大學士
謚文正

臣等謹案遷文集前稿嘉靖中倭亂被燬此集乃
其致仕以後及再召時所作自題曰歸田稿以授
其子至者也

周東雨村集四卷

東字伯震號雨村阜城人成化進士官至大理寺少

卿

楊循吉松籌堂集十二卷
燈窓末藝一卷
攢眉集

一卷

循吉見史類

莊鼎定山集十卷

鼎字孔暘江浦人成化進士官南京禮部郎中

張詡東所文集十三卷

詡見子類

欽定四庫全書

欽定四庫全書
人一百九十一

三

李承箕大厓集二十卷附錄一卷

承箕字世卿嘉魚人讀書大厓山因以自號成化時舉人隱居不仕明史儒林傳附見陳獻章傳中

王鏊震澤集三十卷

鏊見史類

梁儲鬱洲遺稿十卷

儲字叔厚號厚齋晚號鬱洲廣東順德人成化進士

官至大學士謚文康

費宏文憲集選要七卷

宏字子充鉛山人成化丁未進士第一官至大學士
謚文憲

臣等謹案宏所著鵝湖摘稿本二十卷此編乃徐
階劉同升所選錄本也

蔣冕相皋集三十三卷

冕字敬所全州人成化進士官至大學士謚文定
林俊見素文集二十八卷奏疏七卷續集十二卷

俊字待用號見素莆田人成化進士官至刑部尚書
謚貞肅

臣等謹案張誦序謂俊手編成集者五十餘卷此
本共四十七卷數與誦序不符蓋後人裒輯非俊
自編原本又別本西征集無卷數已見全集內

張吉古城集六卷

吉字克修號翼齋又曰默菴曰怡窩晚乃自稱曰古
城餘干人成化進士官至貴州左布政使

邵賢容春堂前集二十卷後集十四卷續集十八卷別集九卷

寶見經類

李堂堇山集十五卷

堂字時升鄞縣人成化進士官至工部右侍郎總理漕河

臣等謹案鄞有赤堇山即越絕書所謂赤堇之溪洄而出銅者堂居其側故以名集

丁養浩西軒效唐集錄十二卷

養浩字師孟號西軒仁和人成化進士官至雲南布政使

羅玘圭峰文集三十卷

玘字景鳴南城人成化進士官至南京吏部右侍郎謚文肅事蹟具明史文苑傳

吳儼文肅公摘稿四卷

儼字克溫宜興人成化進士官至南京禮部尚書謚

文肅

毛紀鰲峯類稿二十六卷

紀見史類

夏鏤赤城集二十三卷

鏤字德樹天台人成化進士官南京大理寺左評事
吳廷舉西巡類稿八卷

廷舉字獻臣梧州人成化進士官至南京工部尚書
謚清惠

石瑄熊峯集十卷

瑄字邦彥藁城人成化進士官至大學士謚文隱改謚文介

臣等謹案朱彝尊明詩綜稱瑄所著名恒陽集皇甫汈刪定為四卷今本熊峯集乃餘姚孫光燾為藁城知縣得別集遺藁於其家又聞梁清標家有全藁乃購得續刊共為十卷校舊本頗為賅備又別本四卷題作熊峯先生集其名又不同亦非汈

所選也

楊廉月湖集四十八卷

廉字方震豐城人成化進士官至南京禮部尚書謚
文恪事蹟具明史儒林傳

程楷念齋集十五卷

楷字念齋饒州人成化進士改庶吉士

鄒智立齋遺文五卷

智字汝愚合州人成化進士改庶吉士以直言謫廣

東石城千戶所吏目

史鑑西村集八卷

鑑字明古號西村吳江人隱居不仕

臣等謹案成弘時有兩史鑑其一長洲人弘治已未進士見太學題名碑其一即明古也

欽定續文獻通考卷一百九十一